

« نورك يوردى » كەلەك ساپىسىزىدە اعتباراً نوركلارك
دالەت مائارى عېدالغىر ھامىر بىك افتىدىنك يارمى ھىساپىدە
بازىلىمىز « لىيەزى » قاجەستى نىشە باشمىز ھىقىدە .

نورك يوردى

ناشرى : نورك يوردى

مىدىرى : محمد امين

۲۱ مارت ۱۳۳۹

صافى ۱۲

مىل ۲

ترکیه (دیه جکمزه) (تورک ادبیاتی) ، (طبیعت) یرینه (طبیعت) ، (سربستی) یرینه (سربستک) ، (موجز بر محرر) یرینه (ایجازجی بر محرر) (موجز بر افاده) یرینه (ایجازلی بر افاده) دیلمی یز .

لسانمزی تورکشیدیررکن تدریجاً بوتون صویداشلرمزک آکلایه جنی عمومی برتورکجه یه طوغری کیتمک لازم کلدیکنی ده اونو تماملی یز . فکر مزی خلاصه ایدلم :

(یکی مفهوم) - سربستک ، (اصطلاحلر) بین المملیتک ، (لغتلر) ملیتک ناطقه سیدر .

تورکجه اجتماعی وجدانمک بواوچ صفحه سنه تمامیه منطبق حساس بر آینه اولمادجه تشکل و تکمیل ایتمش برلسان صاییه ماز .

کیرک آلب



سباحت

آلتایلره طوغری

(باشی ۱ نجی ییلاک ۱۲ نجی صایسنده)

محمد قول جراحتی اییلشنجه صوک قوتی طوپلایه رق آنسزین یارماغک بولندینی قیشلاغه هجوم ایله چته افرادندن یگرمی قدرینی قتل ایتمشدی . یارماق بوندن متهور اوله رق ذاتاً قاچغه باشلامش اولان محمد قول اردوسنی تعقیبه قویولدی ؛ عسکرلرینی بوزدقدن صوکر اکندیسنی ده قیشلانغی قربنده اله کچیروب ، اسیر ایتدی .

بو صورتله سبریا تورک - تاتار دولتنک اک بویوک قوتی مغلوب ایدیلش اولبوردی . قالان کوچوک بکلری تحت اطاعته آلمق ایچون یارماق ، اوزرلرینه چتله کوندیرر ، اطاعت ایتیمانلری درحال دردست ایتدیره رک آیاقلری یوقاری آصار ، ودریلرینی یوزدیره رک مدهش اشکنجه لر ایچنده محو ایدردی .

اهالی بو وحشتلردن دهشته دوشدی . هرکس جانی قورتارمق ایچون ، حتی چولوق چوجقلرینی بیراقهرق ، اورمانلره التجا ایدیورلردی ..

بونکله برابر ۱۵۸۵ سنه سی تورک - تاتارلر تکرار طوپلانهرق یارماقلیلر اوزرینه هجومه قرار ویرمشلردر . مارت آیی ایدی ؛ تورکلر قاراجی بکک قومانداسنده اولهرق روسلری محاصره آلتنه آلدیلر . یارماقلیلرک حالی پک مشکل ایدی . آچلق خسته لق روسلری ازمشدی . حتی صوکرالری آچلق اودرجه یه وارمش ایدی که روسلر مقتول دوشن ارقداشلرینک جسدلرینی ییمه یه باشلامشلردی .

مالسده یارماغک ایلروکلن آرقداشلرندن ماتوی میشیمرق نامنده بر سرکرده کندیلرینی محاصره ایدن عسکرلر اوزرینه خروج یاپهرق قاراجی بکک ایکی اوغلی ایله برخیلی عسکرلرینی شهید ایتشدی . روسلرک بوخروج حرکنی محاصرلرک قوه معنویه لرینی بوزدی ؛ «اوم» نهرینک اشاغی طرفلرنده کاش «واغی» جهتلرینه قاچمه باشلادیلر ؛ بالذات کوچوم خان اوجهته بولسوردی . یارماق آنلرک بوزولدیغنی کورونجه دها زیاده جسامتلنه رک تعقیبه قویولدی ؛ ایشیم نهریله یوقارویه طوغرو یوردی . «شاش» نهرینک منصبه کلنجه تعقیدن واز کچوب عودته باشلادی . فقط بولده روسلرک استیلا ایتدکلری «ایشیم» صحراسندن کچمکده اولان بخارا تجارلرینه عائد کاروانک کویا کوچوملیلرک هجوم وایغماسنه معروض قالمقسزین مرورینی تأمین ایتک ایچون همان یولنی واغی طرفلرینه توجیه ایتدی . کاروانک کچه جکی محله کلدی . اوزون مدت بکله دیکی حالده کاروانک کله مسیله تکرار دونه رک واغی نهرینک آشاغیلرینه طوغری حرکته باشلادی . ۱۵۸۵ سنه سی آغستوسنک آلتنجی یغمورلی مظلم برکیجه سی ایدی ، یارماقلیلر امین خن ایتدکلری بریده توقف ایده رک کیجه لدیلر . آغیر بر اویقوده ایکن کوچوملیلر بونلرک اطرافلرینی قوشادهرق اوزرلرینه هجوم ایتدیلر . شدتلی برمصادمه اولدی . یارماق ظلمت لیلدن بالاستفاده قانهرق ساحله طوغری قوشدی . یوکسک قیادن کنارده کی قایغه آتلا یاغم دیه یا کشلقله نهره آتلدی ، وزرهلیرینک آغیرلغندن دولای یوزمه یه رک باطدی و غائب اولدی ، کتدی .

روسلرک ۶ آغستوس کیجه سننده اوغرادقلری بو طالعزلرک «ایسکه ر» ده

قالان روسلره پك فنا تأثیر ایتدی . حادثه نك خبری سیر یاده ساكن روسلره طاغیله رق ، هپسك قوه مغویه لرینی قیردی ، سیر یاده تورک - تاتارلره قارشى آرتق مقاومت قابل اولامیه جغنی کورن سر کرده لوخوف ؛ یارماق چته سنك بقیه السیوفنی آلاق اورال طرفلرینه رجعت ایتدی .

مسقواده کیلر یارماقلیلرک دوچار اولدقلری بو احوال دن بی خبر بولنیورلردی . حتی یارماغه معاونت ایتك اوزره منصورف (Mensouff) ك تحت قوماندانلنده یوز قدر عسکر کوندریلش ایدی . منصورف ده روسلرک دوچار اولدینی فلاکتی آنجق ایسکده ورودینی متعاقب آکلایه بیلمش ، سیر یالیرله قارشى لوخوفك یولنی تعقیبه مجبوریت حس ایتش ایدی . مع مافیه تمامیه چکیلیمیه رك ایتیشك منصبلرنده (شمیدکی سماروفسکی کونك بولندینی یرلرده) قیشین بارینه بیلیمك ایچون قیشلاقلر یاپه رق اطرافلرینی تحکیم ایتشدی . بوراده استاقلر ایله بزقاج دفعه لر طوتوشه رق هپسكه غالب کلدی .

ایشته بوسر دلرده لوخوف مسقوايه ایشهرک روسلرک باشنه گانی خبر ویرمشیدی . بونك اوزرینه مسقوالیلر ایکی قوماندانك تحت اداره لرنده اوله رق سیر یایه اوچ یوز قدر عسکر سوق ایتشلردی . ۱۵۸۵ ده بوقوه عسکر یه طوراً طرفلرینه کلدی . بر سنه مرورندن صوکر اچیتکی تور ا یرنده «تومهن» شهرینی تأسیس ایتدیلر . بونلر هرا حتماله قارشى پك زیاده احتیاطلی بولمق لزومنی حس ایدیورلردی . آنکچون طوغرودن طوغرویه قطعه نك ایچ طرفلرینه کتیه یوب ابتدا اطرافلرنده کی اهالی نی تحت تابعیتلرینه آلقه اکتفا ایتدیلر .

۱۵۹۷ ده دانیلا چولقوف اداره سنده اوله رق تکراراً ۵۰۰ قدر عسکر کوندریلدی . بونلرده طوبول نهرینك متصبیلرینه طوغری ایلروله بورلردی . منصورف فرقه سنك متباقیسی ده بونلره التحق ایتدی .

صنایع ، تجارت و معیشته زیاده سیله هوسکار اولان طوبول ، تومهن تورک - تاتار - نوغایلری قوتلرینی تزید ایتکده اولان روسلره مقابله دن صرف نظر ایتدیلر . روس اسارتنه بویون اکیه جك قدر کندیلرنده قوت کورن فرقه وقیلر جنوب طرفلرینه ، ایتیشك یوقارولرینه طوغری هجرت ایلدیلر .

ذاتاً کوجوم خانده کندی تبعه سی آراسنده نفوذنی غائب ایتدیکی حالده اورالرده بولئوردی . مع مافیه روسلر یارماق زماننده قازانیلان یرلری الده ایده بیلمک ایچون تکرار چالیشمغه مجبور اولدیلر . تومن ، طوبول شهرلری روس عسکرلرینک قرارگاهى ایدی . تومن قرق سنه طرفنده بویوچک بر شهر اولدی ؛ بو حال ، روسلرک سیریا په تمامیه ال اوزاندقلىنی و بوقطعه په تمامیه کندی تابعیتلرینه آلمغه قرار ویردکلىنی کوستریوردی .

مئولر صرف ایده رک انشالیتدکلى کلکسارده بوقرارلرینک ضمان قویسی کی ایدی ..

روسلر سیریا قطعه سنده تمامیه تم قوره بیلمک ایچون ابتدا سیریانک روحی مثابه سنده اوله رق بر حیات قالان عسکری قوماندانلری محو ایتک لازم کلدیکنه قانع اولمشلردی . بومهم قوماندانلردن بری کوجوم خان ، دیکری صایداق نام قهرمان ایدی . بوايکی ذاتک آرالرنده اوتهدنبری موجود اولان نفاق بالاخره هرايکینسکده محوینه سبیت ویرمشدر .

یتیمدی

ملیم ثابت



انتقاد و تقریر

« خلق نظرینه بر نیچه مسئله »

۲

(باشی ۲ نجی ییلک ۱۰ نجی صایبسنده)

فادینک بوشرفی آنالغندندر . آنا تربیه سی ، مکتب و محیط تربیه لرینه اساسدر . فادینلرک حرمت و حقارینه رعایت اولونما سیدرکه « هر عصرده » هر دولتده ادب سقوطنه ، فحشیات شیوعنه « سبب اولمشدر . « زیرا خاتونلرک طبیعی قوت جهتیله بالنسبه ضعیفلکلی حرمتلرینک بیوکلگیله ، حقوقلرینک گنیشدگیله تأیید ، هم تعدیل قیلنمش اولسه ایدی ، سقالت قاپولرینک اکثری قاپانمش قلور ایدی . »